



Broj: 01-50-1-15-16/24

Sarajevo, 28. 2. 2024.

PRIMLIENO:		13-03-2024	
Organizaciona jedinica	Klasifikaciona oznaka	Redni broj	Broj priloga

ZAPISNIK

16. sjednice Predstavničkog doma Parlamentarne skupštine Bosne i Hercegovine, održane 28. 2. 2024.

Sjednica je počela u 12.14 sati. Prisustvovao je 41 poslanik.

Odsustvovao je Obren Petrović.

Sjednici su prisustvovali: ministar pravde BiH Davor Bunoza i ministar komunikacija i prometa BiH Edin Forto, zamjenik ministra finansija i trezora BiH Muhamed Hasanović, zamjenica ministra vanjske trgovine i ekonomskih odnosa BiH Ljiljana Lovrić, kao i delegatkinja u Domu naroda Parlamentarne skupštine BiH Marina Pendeš.

Sjednicu su pratili predstavnici Ureda za reviziju institucija BiH, Odbora za žalbe građana Parlamentarne skupštine BiH, Nezavisnog odbora kao nezavisnog tijela policijske strukture Bosne i Hercegovine i parlamentarni vojni povjerenik BiH.

Iz međunarodnih organizacija sjednicu su pratili predstavnici OSCE-a i Vijeća Evrope, te predstavnici Hrvatske, Britanske i Nizozemske ambasade u Sarajevu.

Predsjedavajući je rekao da će, u skladu s članom 167. Poslovnika, na početku sjednice, prije rasprave o dnevnom redu, poslanicima biti omogućeno postavljanje poslaničkih pitanja u usmenoj formi.

U skladu s članom 168. Poslovnika, najavu za postavljanje poslaničkog pitanja u usmenoj formi dostavili su:

- **Ermina Salkičević-Dizdarević** – ministru vanjske trgovine i ekonomskih odnosa BiH,
- **Albin Muslić** – ministru sigurnosti BiH,
- **Jasmin Imamović** – predsjedavajućoj Vijeća ministara BiH,
- **Milan Dunović** – ministru za ljudska prava i izbjeglice BiH,
- **Safet Kešo** – predsjedavajućoj Vijeća ministara BiH i ministru finansija i trezora BiH,
- **Jasmin Emrić** – ministru komunikacija i prometa BiH.

Poslanica Mia Karamehić-Abazović dostavila je najavu za postavljanje poslaničkog pitanja mimo roka predviđenog članom 168. stav (1) Poslovnika, tako da to pitanje nije uvršteno na sjednicu, ali je proslijeđeno ministru vanjskih poslova BiH.

Najave su, u skladu s članom 168. stav (2) Poslovnika, dostavljene predsjedavajućoj Vijeća ministara BiH i onom članu Vijeća ministara BiH na koga se pitanja odnose. Predsjedavajući je podsjetio na to da je osiguran i direktan TV-prijenos ovog dijela sjednice, u skladu s članom 167. stav (1) Poslovnika.

Sadržaj postavljenih pitanja je sljedeći: ¹

Ermina Salkičević-Dizdarević

„Ja svoje pitanje upućujem ministru vanjske trgovine i ekonomskih odnosa BiH kao što ste već najavili i s obzirom da uvaženi ministar ni danas nije tu, a nisam čula ni da je pravdao odsustvo, tražit ću odgovor u pisanoj formi. Evidentan je ogroman zaostatak u preuzimanju direktiva novog pristupa koje se u BiH usvajaju u formi naredbi. Naredbe donosi ministar vanjske trgovine i ekonomskih odnosa BiH, i to na prijedlog Komiteta za tehničke propise BiH. Ovaj komitet je komitet čije sjednice saziva ministar vanjske trgovine i ekonomskih odnosa BiH i čine ga, pored uvaženog ministra, dva entitetska ministra respektivnih ministarstava te Direkcija za evropske integracije. Ja želim da uputim pitanje koje glasi: Da li je tačno da od 2012. godine do sada nije održana nijedna sjednica Komiteta, a u vezi s preuzimanjem direktiva novog pristupa? Zamolila bih da se objasni zašto se ne sazivaju sjednice Komiteta po ovom vrlo bitnom pitanju za evropski put BiH, a posebno ako imamo u vidu preporuke Evropske komisije, kao i obaveze BiH prema članu 75. Sporazuma o stabilizaciji i pridruživanju?“

S obzirom na to da sjednici nije prisustvovao ministar vanjske trgovine i ekonomskih odnosa BiH Staša Košarac, Ermina Salkičević-Dizdarević zatražila je da se odgovor na pitanje dostavi u pisanoj formi.

Albin Muslić

„Pitanje postavljam ministru sigurnosti BiH, a tiče se dopisa koji je uputio ministar unutrašnjih poslova Unsko-sanskog kantona gospodin Adnan Habibija Ministarstvu sigurnosti 22. januara 2024. godine u kojem je ministar Habibija zatražio od Ministarstva sigurnosti da se uzmu u obzir potrebe Uprave policije Unsko-sanskog kantona u funkciji podrške Ministarstvu unutrašnjih poslova Unsko-sanskog kantona na izgradnji kapitalnih objekata policijskih stanica na području Unsko-sanskog kantona, i ono posebno što nas opterećuje u USK, a u duhu migrantske krize i svega onoga što se dešava u proteklom periodu i što ćemo vrlo vjerovatno ponovo imati na ljeto, u smislu opremanja materijalno-tehničkim sredstvima Uprave policije USK. Moje pitanje glasi: Da li Ministarstvo sigurnosti planira u okviru dostupnih budžetskih sredstava i planiranih budžetskih sredstava da uzme u obzir potrebu podrške policijskih agencija na području cijele BiH s naglaskom na USK i da li će se u okviru raspoloživih doniranih sredstava koja dolaze u BiH uzeti u obzir i potrebe Ministarstva unutrašnjih poslova USK, naročito u funkciji migrantske krize koja je prisutna još uvijek u BiH. S obzirom na to da ministar ovdje nije prisutan, zamolio bih da dobijem odgovor u pisanom obliku.“

¹ Sadržaj pitanja preuzet je iz neautoriziranog transkripta 16. sjednice Predstavničkog doma.

S obzirom na to da sjednici nije prisustvovao ministar sigurnosti BiH Nenad Nešić, Albin Muslić zatražio je da se odgovor na pitanje dostavi u pisanoj formi.

Jasmin Imamović

„Moje pitanje se odnosi na nacionalnu zastupljenost zaposlenih u institucijama BiH. Naime, članom 7. Zakona o Upravi propisano je da se u organima Uprave osigurava odgovarajuća nacionalna zastupljenost državnih službenika i zaposlenika u skladu s nacionalnom strukturom stanovništva, a prema posljednjem popisu stanovništva u BiH. Ustav BiH u članu 9. propisuje, citiram – funkcioneri imenovani na položaje u institucijama u BiH u pravilu odražavaju sastav naroda BiH. Evropska konvencija za zaštitu osnovnih prava i sloboda s protokolima, u skladu s članom 2. Ustava BiH, direktno se primjenjuje u BiH i ima prioritet nad domaćim zakonima. Konvencija u članu 14. zabranjuje diskriminaciju, a ovdje su moguće diskriminirani oni koji nisu zastupljeni u dovoljnom broju. Uprkos navedenim odredbama, u praksi su zapažena odstupanja i prigovori u pogledu dovoljne zastupljenosti pripadnika nekih konstitutivnih naroda, kao i oni koji se izjašnjavaju kao ostali. Napominjem da je članom 61. stav (4) Zakona o upravi propisano da rukovodioci imaju obavezu provođenja Ustava, međunarodnih konvencija i zakona. Uzimajući u obzir navedeno, postavljam predsjedavajućoj Vijeća ministara sljedeće pitanje: Šta Vijeće ministara BiH preuzima kako bi spriječilo kršenje Ustava BiH i zakona BiH u pogledu nacionalne zastupljenosti zaposlenih u institucijama BiH, posebno u pogledu zabrane diskriminacije suprotno Evropskoj konvenciji i suprotno Zakonu o zabrani diskriminacije? Koje će mjere Vijeće ministara preduzeti? S obzirom da je predsjedavajuća Vijeća ministara opravdano odsutna, očekujem odgovor u pisanom obliku.“

S obzirom na to da sjednici nije prisustvovala predsjedavajuća Vijeća ministara BiH Borjana Krišto, Jasmin Imamović zatražio je da se odgovor na pitanje dostavi u pisanoj formi.

Milan Dunović

„Moje pitanje je upućeno ministru Hurtiću, zapravo ja se referišem na pitanje koje sam u pisanoj formi postavio još 21. decembra 2023. godine, međutim, nikada nisam dobio odgovor. Ponovit ću ukratko, pitanje se sastojalo iz šest potpitanja, pa ću ih ukratko ponoviti sve:

- a) Znete li, ministre, da je Monika Mijić imenovana tri puta zaredom na period od 3 mjeseca za v. d. agenta Vijeća ministara pred Evropskim sudom za ljudska prava, što je suprotno članu 55. a) Zakona o upravi BiH?
- b) Ako ste upoznati, šta ste učinili ili šta ćete učiniti po tom pitanju?
- c) Znete li da je Monika Mijić koja više nije u mandatu jer je isti istekao jedan od potpisnika upućivanja presude Kovačević prema Velikom vijeću Evropskog suda za ljudska prava i šta ćete poduzeti po tom pitanju jer je bila van mandata?
- d) Hoćete li obavijestiti Evropski sud i nas zastupnike šta ćete poduzeti po pitanju isteka mandata agenata jer je odlukom Suda BiH u vezi s rješavanjem radnopravnog statusa v. d. agenata, između ostalog, utvrđeno da je upravo Ministarstvo za ljudska prava i izbjeglice nadležno za utvrđivanje statusa v. d. agenata?

- e) Znete li da je Jelena Cvijetić, v. d. agentica, na 22. sjednici Vijeća ministara od 7. septembra 2023. imenovana za pravobranioca, odnosno zamjenika pravobranioca BiH, a da je potpisala zahtjev za preispitivanje presude Kovačević naknadno, 19. septembra 2023?
- f) Da li je tačno da je Vaša zamjenica gospođa Duška Jurišić održavala sastanke s vršiteljicama dužnosti agenata kojima je mandat, kao što je ranije rečeno, istekao i davala im podršku u podnošenju zahtjeva pred Velikim vijećem? I ukoliko je tačno, naravno pitanje za ministra, šta ćete poduzeti po tom pitanju?

Pošto ministra nema, ja očekujem odgovor u pisanom obliku odmah jer evo čekam već dva mjeseca na postavljeno pitanje u pisanoj formi.“

S obzirom na to da sjednici nije prisustvovao ministar za ljudska prava i izbjeglice BiH Sevlid Hurtić, Milan Dunović zatražio je da se odgovor na pitanje dostavi u pisanoj formi.

Safet Kešo

Svoje pitanje upućujem predsjedavajućoj Vijeća ministara koja danas nije ovdje, nažalost. Dakle, ponovo član 74. Poslovnika se ignoriše odnosno ne poštuje. Da li je Vijeće ministara, istovremeno postavljam pitanje i ministru finansija koji je prisutan pa mu se u to ime zahvaljujem, da li je Vijeće ministara u skladu sa usvojenim zaključkom Parlamenta BiH dodijelilo milion maraka pomoći narodu Palestine u Gazi? Vi se sjećate da smo tu inicijativu pokretali dva puta, jednom sam ja, drugi put zajedno s kolegom Nihadom Omerovićem. Ova druga inicijativa je usvojena, Vijeće ministara je bilo zaduženo da izvrši, dobilo jasnu zadaću da izvrši tu obavezu i ja sada pitam da li je ta obaveza izvršena.

S obzirom na to da sjednici nije prisustvovala predsjedavajuća Vijeća ministara BiH Borjana Krišto, potrebno je da se odgovor na pitanje dostavi u pisanoj formi.

Jasmin Emrić

„Član 5. stav (1) Zakona o zrakoplovstvu BiH određuje da je za provođenje politike u oblasti civilnog zrakoplovstva nadležno Ministarstvo komunikacija i prometa BiH, a stav (5) istog Zakona daje mogućnost da pružaoci usluga u zračnoj plovidbi iz drugih država mogu pružati usluge unutar zračnog prostora BiH ako je to regulirano međunarodnim sporazumom u kojem je i BiH jedna od ugovornih strana. Stavom (3) člana 5. Zakona o zrakoplovstvu BiH utvrđeno je da će pružanje usluga u zračnoj plovidbi, u zračnom prostoru iznad teritorije BiH obavljati pružalac usluga u zračnoj plovidbi, odnosno Agencija za pružanje usluga u zračnoj plovidbi BiH. S obzirom da još BiH, odnosno Agencija za pružanje usluga u zračnoj plovidbi BiH, nije u cijelosti preuzela pružanje usluga u zračnoj plovidbi iznad cijele teritorije BiH, a kako postoji sumnja da je taj dio zračnog prostora BiH protuzakonito prepušten pružaocu usluga zračne plovidbe Republike Hrvatske, smatram da je potrebno otkloniti svaku sumnju, te u tu svrhu postavljam pitanje ministru komunikacija i prometa koje glasi: Kada je i s kojom svrhom BiH zaključila i ratificirala Sporazum s Republikom Hrvatskom o pružanju usluga u zračnoj plovidbi za dio zračnog prostora BiH iznad sjeverozapadnog teritorija BiH? Koje usluge u zračnoj plovidbi po tom sporazumu vrše pružaoci usluga Republike Hrvatske, te koliki je

finansijski iznos koji pružaoci usluga Republike Hrvatske naplaćuju za predmetne usluge na godišnjem nivou?“

Odgovor na pitanje dao je ministar komunikacija i prometa BiH Edin Forto.

Predsjedavajući je, povodom utvrđivanja dnevnog reda, rekao sljedeće:

S dnevnog reda, na zahtjev Zajedničke komisije za ljudska prava, skinute su prijašnje tačke:

- **Tačka 5.** - Prijedlog zakona o dopuni Zakona o strancima, predlagač: poslanik Nihad Omerović, broj: 01-02-1-2349/23 od 10. 11. 2023. (prvo čitanje);
- **Tačka 15.** - Izvještaj o radu Vijeća nacionalnih manjina BiH za 2023. godinu, broj: 01,02-39-1-337/24 od 7. 2. 2024, i
- **Tačka 16.** - Izvještaj o zbrinjavanju izbjeglica i stranaca pod supsidijarnom zaštitom u Bosni i Hercegovini za 2022. godinu, podnosilac: Ministarstvo za ljudska prava i izbjeglice BiH, broj: 01,02,03-37-1-361/24 od 12. 2. 2024.

Izmijenjene su:

- **Tačka 4.** - Prijedlog zakona o Vrhovnom sudu Bosne i Hercegovine, predlagač: poslanik Denis Zvizdić, broj: 01-02-1-2286/23 od 1. 11. 2023, s Mišljenjem Ustavnopravne komisije (nije utvrđeno postojanje ustavnog osnova niti su podržani principi) i
- **Tačka 5.** - Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, predlagač: Vijeće ministara BiH, broj: 01,02-02-1-167/24 od 17. 1. 2024, skraćeni postupak, s Mišljenjem Komisije za saobraćaj i komunikacije (nisu podržani principi).

U okviru rasprave o dnevnom redu diskutirao je Šerif Špago.

Predsjedavajući je konstatirao da 16. sjednica Predstavničkog doma ima sljedeći

DNEVNI RED

1. Usvajanje Zapisnika 15. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o dopunama Zakona o odbrani Bosne i Hercegovine, predlagač: Dom naroda Parlamentarne skupštine BiH, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-2736/23 od 6. 2. 2024;
4. Prijedlog zakona o Vrhovnom sudu Bosne i Hercegovine, predlagač: poslanik Denis Zvizdić, broj: 01-02-1-2286/23 od 1. 11. 2023, s Mišljenjem Ustavnopravne komisije;

5. Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, predlagač: Vijeće ministara BiH, broj: 01,02-02-1-167/24 od 17. 1. 2024, skraćeni postupak, s Mišljenjem Komisije za saobraćaj i komunikacije;
6. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o državnoj službi u institucijama Bosne i Hercegovine, predlagač: Vijeće ministara BiH (zakon u prvom čitanju), broj: 01,02-02-1-166/24 od 2. 2. 2024;
7. Izvještaj komisije Kolegija o nastojanju za postizanje saglasnosti o poslaničkoj inicijativi Predraga Kojovića, Sabine Ćudić i Aide Baručije kojom se zadužuje Vijeće ministara BiH i nadležno Ministarstvo sigurnosti BiH da, u roku od 60 dana od usvajanja ove inicijative, omogući uvođenje u upotrebu javnog sistema obavještanja o nestanku djece *Amber alert* na teritoriji Bosne i Hercegovine, broj: 01-50-1-2389/23 od 2. 2. 2023;
8. Izvještaj o izvršenoj reviziji učinka o temi: „Povjereni javni poslovi iz nadležnosti institucija BiH – studija slučaja: Ministarstvo komunikacija i prometa BiH“, podnosilac: Ured za reviziju institucija BiH, broj: 01-16-10-146/24 od 16. 1. 2024;
9. Izvještaj o izvršenoj reviziji učinka o temi: „Upravljanje voznim parkom u institucijama BiH“, podnosilac: Ured za reviziju institucija BiH, broj: 01-16-10-147/24 od 16. 1. 2024;
10. Izvještaj o radu parlamentarnog vojnog povjerenika BiH za 2023. godinu, broj: 01,02-37-4-218/24 od 26. 1. 2024;
11. Izvještaj o radu Odbora za žalbe građana Parlamentarne skupštine BiH za 2023. godinu, broj: 01,02-50-15-290/24 od 31. 1. 2024;
12. Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2023. godinu, broj: 01,02-50-15-312/24 od 2. 2. 2024, i Plan rada Nezavisnog odbora kao nezavisnog tijela policijske strukture Bosne i Hercegovine za 2024. godinu, broj: 05/1-50-15-2518/23 od 5. 12. 2023;
13. Izvještaj o izdatim i realiziranim ispravama i odbijenim zahtjevima za izdavanje isprava za vanjskotrgovinski promet oružja, vojne opreme i robe posebne namjene za 2020. godinu, podnosilac: Vijeće ministara BiH, broj: 01,02-50-18-316/24 od 5. 2. 2024;
14. Informacija o Godišnjem planu obuke i vježbi pripadnika i jedinica Oružanih snaga Bosne i Hercegovine u inozemstvu za 2024. godinu, podnosilac: Ministarstvo odbrane BiH, broj: 03/1-03-2137/23 od 6. 10. 2023;
15. Poslanička inicijativa Nihada Omerovića prema Vijeću ministara BiH, kojom se traži uvođenje automatskog prosljeđivanja SMS poruke za državljane koji putuju van granica Bosne i Hercegovine, broj: 01-50-1-2552/23 od 11. 12. 2023;
16. Poslanička inicijativa Šemsudina Mehmedovića za obavljanje nezavisne vanjske revizije rada Uprave za indirektno oporezivanje BiH, kao i revizije prikupljanja i raspodjele prihoda koje vrši Uprava za indirektno oporezivanje BiH, broj: 01-50-1-2555/23 od 11. 12. 2023;
17. Poslanička inicijativa Šemsudina Mehmedovića kojom se obavezuje šest institucija Bosne i Hercegovine sa sjedištem u Sarajevu da osiguraju odgovarajuću nacionalnu zastupljenost državnih službenika u skladu sa Zakonom o državnoj službi u institucijama Bosne i Hercegovine, broj: 01-50-1-2554/23 od 11. 12. 2023;
18. Poslanička inicijativa Šemsudina Mehmedovića kojom se obavezuju četiri institucije Bosne i Hercegovine sa sjedištem u Mostaru da osiguraju odgovarajuću nacionalnu

- zastupljenost državnih službenika u skladu sa Zakonom o državnoj službi u institucijama Bosne i Hercegovine, broj: 01-50-1-2557/23 od 11. 12. 2023;
19. Poslanička inicijativa Šemsudina Mehmedovića kojom se obavezuje pet institucija Bosne i Hercegovine sa sjedištem u Republici srpskoj da osiguraju odgovarajuću nacionalnu zastupljenost državnih službenika u skladu sa Zakonom o upravi i Zakonom o državnoj službi, broj: 01-50-1-2558/23 od 11. 12. 2023;
 20. Davanje saglasnosti za ratifikaciju Sporazuma o zajmu između Bosne i Hercegovine i OPEC-ovog fonda za međunarodni razvoj za Projekat izgradnje dionice Nemila – Donja Gračanica na autoputu na Koridoru 5c (Zenica sjever) (dodatni zajam) – zajam br. 15218P, broj: 01,02-21-1-309/24 od 2. 2. 2024;
 21. Davanje saglasnosti za ratifikaciju Sporazuma između Evropske unije i Bosne i Hercegovine o učešću Bosne i Hercegovine u programu Unije za saradnju u oblasti oporezivanja „Fiscalis“, broj: 01,02-21-1-310/24 od 2. 2. 2024.

Ad. 1. Usvajanje Zapisnika 15. sjednice Predstavničkog doma Parlamentarne skupštine BiH

Predsjedavajući je dao uvodne napomene. Nije bilo rasprave.

Zapisnik 15. sjednice Predstavničkog doma usvojen je s 39 glasova „za“ (iz Federacije BiH 26, iz Republike srpske 13), jednim „protiv“ i bez glasova „suzdržan“.

Ad. 2. Komentari na dobivene odgovore na poslanička pitanja

Predsjedavajući je rekao da su, u skladu s članom 170. Poslovnika, do ove sjednice Predstavničkog doma pitanja u pisanoj formi postavili poslanici:

- Ermina Salkičević-Dizdarević - postavila pet pitanja,
- Sanja Vulić - postavila četiri pitanja,
- Milorad Kojić - postavio dva pitanja,
- Šerif Špago - postavio dva pitanja,
- Šemsudin Mehmedović - postavio dva pitanja,
- po jedno pitanje postavili su poslanici: Saša Magazinović, Jasmin Emrić, Edin Ramić, Branislav Borenović i Safet Kešo.

- Inicijative Kolegiju Predstavničkog doma uputili su poslanici: Rejhana Dervišević, Saša Magazinović, Ermina Salkičević-Dizdarević, Albin Muslić i Jasmin Imamović, te poslanik Denis Zvizdić.

Do današnje sjednice dostavljeni su sljedeći odgovori:

- na pitanja Šemsudina Mehmedovića dostavljeno je deset odgovora,
- na pitanja Ermine Salkičević-Dizdarević dostavljena su četiri odgovora,
- na pitanja Mije Karamehić-Abazović dostavljena su dva odgovora,
- na pitanja Šemsudina Dedića dostavljena su dva odgovora,
- na pitanja Sanje Vulić dostavljena su četiri odgovora,
- na pitanja Šerifa Špage dostavljena su dva odgovora,
- na pitanja Aide Baručije dostavljena su tri odgovora,
- na pitanja Safeta Keše dostavljena su tri odgovora,
- po jedan odgovor dostavljen je na pitanja poslanika: Milorada Kojića, Edina Ramića, Jasmina Emrića, Darka Babalja, Albina Muslića, Rejhane Dervišević, Jasmina Imamovića i Predraga Kožula.

Odgovore su komentirali: Šerif Špago, Šemsudin Mehmedović, Edin Ramić, Safet Kešo, Mia Karamehić-Abazović i Jasmin Emrić.

Ad. 3. Prijedlog zakona o dopunama Zakona o odbrani Bosne i Hercegovine, predlažać: Dom naroda Parlamentarne skupštine BiH, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-2736/23 od 6. 2. 2024.

Predsjedavajući je dao uvodne napomene.

Obrazloženje zahtjeva za hitni postupak dala je delegatkinja u Domu naroda Parlamentarne skupštine BiH Marina Pendeš.

U raspravi o zahtjevu za hitni postupak učestvovali su: Darko Babalj, Jasmin Emrić, Predrag Kojović, Zlatan Begić, Predrag Kožul i Saša Magazinović.

Zahtjev Doma naroda Parlamentarne skupštine BiH za razmatranje Prijedloga zakona o dopunama Zakona o odbrani Bosne i Hercegovine po hitnom postupku, u skladu s članom 133. Poslovnika nije prihvaćen - „za“ je glasalo 11 poslanika (iz Federacije BiH četiri, iz Republike srpske sedam), „protiv“ 28, a „suzdržan“ je bio jedan poslanik.

Prijedlog za razmatranje Prijedloga zakona o dopunama Zakona o odbrani Bosne i Hercegovine po skraćenom postupku, u skladu s članom 133. stav (4) Poslovnika, nije prihvaćen - „za“ je glasalo 11 poslanika (iz Federacije BiH četiri, iz Republike srpske sedam), „protiv“ 29, a „suzdržanih“ nije bilo.

Predsjedavajući je konstatirao da će se navedeni prijedlog zakona razmatrati po redovnom zakonodavnom postupku.

Ad. 4. Prijedlog zakona o Vrhovnom sudu Bosne i Hercegovine, predlagač: poslanik Denis Zvizdić, broj: 01-02-1-2286/23 od 1. 11. 2023, s Mišljenjem Ustavnopravne komisije

Predsjedavajući je dao uvodne napomene.

Objasnjeno Prijedloga zakona dao je Denis Zvizdić.

U raspravi su učestvovali: Milan Petković, Milorad Kojić, Zlatan Begić, Mladen Bosić, Šerif Špago i Jasmin Emrić.

„Za“ Mišljenje Ustavnopravne komisije glasalo je 16 poslanika (iz Federacije BiH četiri, iz Republike srpske 12), „protiv“ 25, a „suzdržanih“ nije bilo. Predsjedavajući je konstatirao da Predstavnički dom nije prihvatio Mišljenje Ustavnopravne komisije o Prijedlogu zakona o Vrhovnom sudu Bosne i Hercegovine, te se Komisija zadužuje da, u skladu s članom 113. stav (3) Poslovnika, sačini novo mišljenje o navedenom prijedlogu zakona.

Ad. 5. Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, predlagač: Vijeće ministara BiH, broj: 01,02-02-1-167/24 od 17. 1. 2024, skraćeni postupak, s Mišljenjem Komisije za saobraćaj i komunikacije

Predsjedavajući je dao uvodne napomene.

Nije bilo rasprave.

„Za“ Mišljenje Komisije za saobraćaj i komunikacije glasalo je 26 poslanika (iz Federacije BiH 13, iz Republike srpske 13), „protiv“ 12, „suzdržana“ tri. Predsjedavajući je konstatirao da je Predstavnički dom prihvatio Mišljenje Komisije za saobraćaj i komunikacije o Prijedlogu zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, te je navedeni prijedlog zakona odbijen, u skladu s članom 113. stav (2) Poslovnika.

Ad. 6. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o državnoj službi u institucijama Bosne i Hercegovine, predlagač: Vijeće ministara BiH (zakon u prvom čitanju), broj: 01,02-02-1-166/24 od 2. 2. 2024.

Nakon uvodnih napomena predsjedavajućeg, nije bilo rasprave jer je okončana na prethodnoj sjednici.

Predstavnički dom, u drugom krugu glasanja, usvojio je u prvom čitanju Prijedlog zakona o izmjenama i dopunama Zakona o državnoj službi u institucijama Bosne i Hercegovine - „za“ su glasala 22 poslanika, „protiv“ 13 (iz Federacije BiH 12, iz Republike srpske jedan), „suzdržanih“ šest.

Na prijedlog Kolegija Predstavničkog doma, s 28 glasova „za“ (iz Federacije BiH 17, iz Republike srpske 11), deset „protiv“ i tri „suzdržana“ glasa, odlučeno je da se amandmanska faza po ovom prijedlogu zakona skрати na pet dana.

Ad. 7. Izvještaj komisije Kolegija o nastojanju za postizanje saglasnosti o poslaničkoj inicijativi Predraga Kojovića, Sabine Ćudić i Aide Baručije kojom se zadužuje Vijeće ministara BiH i nadležno Ministarstvo sigurnosti BiH da, u roku od 60 dana od usvajanja ove inicijative, omogući uvođenje u upotrebu javnog sistema obavješćavanja o nestanku djece *Amber alert* na teritoriji Bosne i Hercegovine, broj: 01-50-1-2389/23 od 2. 2. 2023.

Nakon uvodnih napomena predsjedavajućeg, nije bilo rasprave jer je okončana na prethodnoj sjednici.

Predstavnički dom, u drugom krugu glasanja, s 33 glasa „za“, osam „protiv“ (iz Republike srpske) i bez „suzdržanih“ glasova, usvojio je poslaničku inicijativu Predraga Kojovića, Sabine Ćudić i Aide Baručije.

Ad. 8. Izvještaj o izvršenoj reviziji učinka o temi: „Povjereni javni poslovi iz nadležnosti institucija BiH – studija slučaja: Ministarstvo komunikacija i prometa BiH“, podnosilac: Ured za reviziju institucija BiH, broj: 01-16-10-146/24 od 16. 1. 2024.

Nakon uvodnih napomena predsjedavajućeg, Domu se obratio ministar komunikacija i prometa BiH Edin Forto.

U raspravi su učestvovali: Branislav Borenović, Jasmin Emrić, Mladen Bosić, Nenad Grković, Darko Babalj i Safet Kešo.

Darko Babalj predložio je dva zaključka.

Jasmin Emrić predložio je zaključak, koji je naknadno povukao, te se o njemu nije glasalo.

Prvi zaključak Darka Babalja usvojen je s 37 glasova „za“ (iz Federacije BiH 24, iz Republike srpske 13), tri „protiv“ i jednim „suzdržanim“ glasom. Zaključak glasi: „Predstavnički dom Parlamentarne skupštine BiH zahtijeva od Ministarstva komunikacija i prometa BiH da u roku od 30 dana Domu dostavi izvještaj o realizaciji preporuka iz Izvještaja o provedenoj reviziji učinka o temi: 'Povjereni javni poslovi iz nadležnosti institucija BiH – studija slučaja: Ministarstvo komunikacija i prometa BiH', podnosilac: Ured za reviziju institucija BiH.“

Drugi zaključak Darka Babalja usvojen je s 29 glasova „za“ (iz Federacije BiH 23, iz Republike srpske šest), sedam „protiv“ i pet „suzdržanih“ glasova. Zaključak glasi: „Predstavnički dom Parlamentarne skupštine BiH zadužuje Kolegij Doma da Tužilaštvu BiH uputi Izvještaj o provedenoj reviziji učinka o temi: 'Povjereni javni poslovi iz nadležnosti institucija BiH – studija slučaja: Ministarstvo komunikacija i prometa BiH', podnosilac: Ured za reviziju institucija BiH.“

Izvještaj o izvršenoj reviziji učinka o temi: „Povjereni javni poslovi iz nadležnosti institucija BiH – studija slučaja: Ministarstvo komunikacija i prometa BiH“ usvojen je s 30 glasova „za“ (iz Federacije BiH 24, iz Republike srpske šest), sedam „protiv“ i četiri „suzdržana“ glasa.

Ad. 9. Izvještaj o izvršenoj reviziji učinka o temi: „Upravljanje voznim parkom u institucijama BiH“, podnosilac: Ured za reviziju institucija BiH, broj: 01-16-10-147/24 od 16. 1. 2024.

Predsjedavajući je dao uvodne napomene.

U raspravi su učestvovali: Sabina Ćudić, Midhat Čaušević, Mia Karamehić-Abazović, Darko Babalj, Jasmin Emrić, Zlatan Begić i Šemsudin Mehmedović.

Zaključak iz Mišljenja Komisije za finansije i budžet usvojen je s 40 glasova „za“ (iz Federacije BiH 28, iz Republike srpske 12), bez glasova „protiv“ i jednim „suzdržanim“ glasom. Zaključak glasi: „Predstavnički dom Parlamentarne skupštine BiH obavezuje Vijeće ministara BiH i Ministarstvo finansija i trezora BiH da u roku od tri mjeseca, u skladu s preporukama iz Izvještaja o reviziji učinka o temi: 'Upravljanje voznim parkom u institucijama BiH', unaprijede Pravilnik o uslovima nabavke i načinu korištenja službenih vozila u institucijama Bosne i Hercegovine ('Službeni glasnik BiH', broj 34/23).“

Na prijedlog poslanika Jasmina Emrića, s 24 glasa „za“ (iz Federacije BiH 18, iz Republike srpske šest), osam „protiv“ i devet „suzdržanih“ glasova, usvojen je sljedeći zaključak: „Predstavnički dom Parlamentarne skupštine BiH traži od Zajedničke službe

Sekretarijata Parlamentarne skupštine BiH da nadležnim organima i komisijama predloži izmjenu svih podzakonskih akata i pravilnika o korištenju službenih vozila na način da se ukine mogućnost i pravo korištenja službenog vozila od 0 do 24 sata za sve poslanike iz Predstavničkog doma, bez obzira na funkciju koju obavljaju u tom domu, kao i za sekretare, rukovodeće službenike koje imenuje Predstavnički dom.“

Izvještaj o izvršenoj reviziji učinka o temi: „Upravljanje voznim parkom u institucijama BiH“ usvojen je s 40 glasova „za“ (iz Federacije BiH 28, iz Republike srpske 12), bez glasova „protiv“ i jednim „suzdržanim“ glasom.

Ad. 10. Izvještaj o radu parlamentarnog vojnog povjerenika BiH za 2023. godinu, broj: 01,02-37-4-218/24 od 26. 1. 2024.

Predsjedavajući je dao uvodne napomene, nakon kojih nije bilo rasprave.

Izvještaj o radu parlamentarnog vojnog povjerenika BiH za 2023. godinu usvojen je s 38 glasova „za“ (iz Federacije BiH 28, iz Republike srpske deset), bez glasova „protiv“ i tri „suzdržana“ glasa.

Ad. 11. Izvještaj o radu Odbora za žalbe građana Parlamentarne skupštine BiH za 2023. godinu, broj: 01,02-50-15-290/24 od 31. 1. 2024.

Predsjedavajući je dao uvodne napomene. Nije bilo rasprave.

Izvještaj o radu Odbora za žalbe građana Parlamentarne skupštine BiH za 2023. godinu usvojen je s 34 glasa „za“ (iz Federacije BiH 26, iz Republike srpske osam), bez glasova „protiv“ i sedam „suzdržanih“ glasova.

Ad. 12. Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2023. godinu, broj: 01,02-50-15-312/24 od 2. 2. 2024, i Plan rada Nezavisnog odbora kao nezavisnog tijela policijske strukture Bosne i Hercegovine za 2024. godinu, broj: 05/1-50-15-2518/23 od 5. 12. 2023.

Predsjedavajući je dao uvodne napomene, nakon čega nije bilo rasprave.

Predstavnički dom, s 36 glasova „za“ (iz Federacije BiH 26, iz Republike srpske deset), bez glasova „protiv“ i pet „suzdržanih“ glasova, usvojio je Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2023. godinu.

Plan rada Nezavisnog odbora kao nezavisnog tijela policijske strukture Bosne i Hercegovine za 2024. godinu primljen je k znanju.

Ad. 13. Izvještaj o izdatim i realiziranim ispravama i odbijenim zahtjevima za izdavanje isprava za vanjskotrgovinski promet oružja, vojne opreme i robe posebne namjene za 2020. godinu, podnosilac: Vijeće ministara BiH, broj: 01,02-50-18-316/24 od 5. 2. 2024.

Predsjedavajući je dao uvodne napomene. Diskutirao je Darko Babalj.

Predstavnički dom, s 35 glasova „za“ (iz Federacije BiH 28, iz Republike srpske sedam), pet „protiv“ i jednim „suzdržanim“ glasom, usvojio je Izvještaj o izdatim i realiziranim ispravama i odbijenim zahtjevima za izdavanje isprava za vanjskotrgovinski promet oružja, vojne opreme i robe posebne namjene za 2020. godinu.

Ad. 14. Informacija o Godišnjem planu obuke i vježbi pripadnika i jedinica Oružanih snaga Bosne i Hercegovine u inozemstvu za 2024. godinu, podnosilac: Ministarstvo odbrane BiH, broj: 03/1-03-2137/23 od 6. 10. 2023.

Predsjedavajući je dao uvodne napomene. Nije bilo rasprave.

Informacija o Godišnjem planu obuke i vježbi pripadnika i jedinica Oružanih snaga Bosne i Hercegovine u inozemstvu za 2024. godinu primljena je k znanju.

Ad. 15. Poslanička inicijativa Nihada Omerovića prema Vijeću ministara BiH, kojom se traži uvođenje automatskog prosljeđivanja SMS poruke za državljane koji putuju van granica Bosne i Hercegovine, broj: 01-50-1-2552/23 od 11. 12. 2023.

Nakon uvodnih napomena predsjedavajućeg, inicijativu je obrazložio Nihad Omerović.

Predstavnički dom, s 36 glasova „za“ (Federacija BiH 28, Republika srpska osam), dva „protiv“ i tri glasa „suzdržan“, usvojio je poslaničku inicijativu Nihada Omerovića.

Ad. 16. Poslanička inicijativa Šemsudina Mehmedovića za obavljanje nezavisne vanjske revizije rada Uprave za indirektno oporezivanje BiH, kao i revizije prikupljanja i raspodjele prihoda koje vrši Uprava za indirektno oporezivanje BiH, broj: 01-50-1-2555/23 od 11. 12. 2023.

Nakon uvodnih napomena predsjedavajućeg, inicijativu je obrazložio Šemsudin Mehmedović.

Predstavnički dom, s 29 glasova „za“ (Federacija BiH 23, Republika srpska šest), sedam „protiv“ i pet glasova „suzdržan“, usvojio je modificiranu poslaničku inicijativu Šemsudina Mehmedovića koja glasi: „Predstavnički dom Parlamentarne skupštine BiH traži od Upravnog

odbora Uprave za indirektno oporezivanje BiH da, u skladu s članom 35. Zakona o sistemu indirektnog oporezivanja u Bosni i Hercegovini, u što kraćem roku angažira nezavisnu vanjsku revizorsku firmu.“

Ad. 17. Poslanička inicijativa Šemsudina Mehmedovića kojom se obavezuje šest institucija Bosne i Hercegovine sa sjedištem u Sarajevu da osiguraju odgovarajuću nacionalnu zastupljenost državnih službenika u skladu sa Zakonom o državnoj službi u institucijama Bosne i Hercegovine, broj: 01-50-1-2554/23 od 11. 12. 2023.

Nakon uvodnih napomena predsjedavajućeg, inicijativu iz ove i tačaka 18. i 19. obrazložio je Šemsudin Mehmedović.

Predstavnički dom je, s 34 glasa „za“ (Federacija BiH 26, Republika srpska osam), jednim „protiv“ i šest glasova „suzdržan“, na prijedlog Ustavnopravne komisije, usvojio zaključak koji glasi: „Predstavnički dom Parlamentarne skupštine BiH poziva sve institucije BiH da osiguraju nacionalnu zastupljenost državnih službenika u skladu sa Ustavom BiH.“

„Za“ poslaničku inicijativu Šemsudina Mehmedovića kojom se obavezuje šest institucija Bosne i Hercegovine sa sjedištem u Sarajevu da osiguraju odgovarajuću nacionalnu zastupljenost državnih službenika u skladu sa Zakonom o državnoj službi u institucijama Bosne i Hercegovine glasalo je 25 poslanika (Federacija BiH 24, Republika srpska jedan), „protiv“ sedam, „suzdržanih“ devet. Predsjedavajući je konstatirao da će Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti naknadno usaglašavanje o navedenoj poslaničkoj inicijativi Šemsudina Mehmedovića.

Ad. 18. Poslanička inicijativa Šemsudina Mehmedovića kojom se obavezuju četiri institucije Bosne i Hercegovine sa sjedištem u Mostaru da osiguraju odgovarajuću nacionalnu zastupljenost državnih službenika u skladu sa Zakonom o državnoj službi u institucijama Bosne i Hercegovine, broj: 01-50-1-2557/23 od 11. 12. 2023.

Nakon uvodnih napomena predsjedavajućeg, nije bilo rasprave.

„Za“ poslaničku inicijativu Šemsudina Mehmedovića kojom se obavezuju četiri institucije Bosne i Hercegovine sa sjedištem u Mostaru da osiguraju odgovarajuću nacionalnu zastupljenost državnih službenika u skladu sa Zakonom o državnoj službi u institucijama Bosne i Hercegovine glasalo je 25 poslanika (Federacija BiH 24, Republika srpska jedan), „protiv“ sedam, „suzdržanih“ devet. Predsjedavajući je konstatirao da će Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti naknadno usaglašavanje o navedenoj poslaničkoj inicijativi Šemsudina Mehmedovića.

Ad. 19. Poslanička inicijativa Šemsudina Mehmedovića kojom se obavezuje pet institucija Bosne i Hercegovine sa sjedištem u Republici srpskoj da osiguraju odgovarajuću nacionalnu zastupljenost državnih službenika u skladu sa Zakonom o upravi i Zakonom o državnoj službi, broj: 01-50-1-2558/23 od 11. 12. 2023.

Nakon uvodnih napomena predsjedavajućeg, nije bilo rasprave.

„Za“ poslaničku inicijativu Šemsudina Mehmedovića kojom se obavezuje pet institucija Bosne i Hercegovine sa sjedištem u Republici srpskoj da osiguraju odgovarajuću nacionalnu zastupljenost državnih službenika u skladu sa Zakonom o državnoj službi u institucijama Bosne i Hercegovine glasalo je 25 poslanika (Federacija BiH 24, Republika srpska jedan), „protiv“ sedam, „suzdržanih“ devet. Predsjedavajući je konstatirao da će Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti naknadno usaglašavanje o navedenoj poslaničkoj inicijativi Šemsudina Mehmedovića.

Ad. 20. Davanje saglasnosti za ratifikaciju Sporazuma o zajmu između Bosne i Hercegovine i OPEC-ovog fonda za međunarodni razvoj za Projekat izgradnje dionice Nemila – Donja Gračanica na autoputu na Koridoru 5c (Zenica sjever) (dodatni zajam) – zajam br. 15218P, broj: 01,02-21-1-309/24 od 2. 2. 2024.

Nakon uvodnih napomena predsjedavajućeg, nije bilo rasprave.

Predstavnički dom je, s 40 glasova „za“ (iz Federacije BiH 28, iz Republike srpske 12), bez glasova „protiv“ i jednim „suzdržanim“ glasom, dao saglasnost za ratifikaciju Sporazuma o zajmu između Bosne i Hercegovine i OPEC-ovog fonda za međunarodni razvoj za Projekat izgradnje dionice Nemila – Donja Gračanica na autoputu na Koridoru 5c (Zenica sjever) (dodatni zajam) – zajam br. 15218P.

Ad. 21. Davanje saglasnosti za ratifikaciju Sporazuma između Evropske unije i Bosne i Hercegovine o učešću Bosne i Hercegovine u programu Unije za saradnju u oblasti oporezivanja „Fiscalis“, broj: 01,02-21-1-310/24 od 2. 2. 2024.

Nakon uvodnih napomena predsjedavajućeg, nije bilo rasprave.

Predstavnički dom je, s 40 glasova „za“ (iz Federacije BiH 28, iz Republike srpske 12), bez glasova „protiv“ i jednim „suzdržanim“ glasom, dao saglasnost za ratifikaciju Sporazuma između Evropske unije i Bosne i Hercegovine o učešću Bosne i Hercegovine u programu Unije za saradnju u oblasti oporezivanja „Fiscalis“.

Sjednica je završena u 16.27 sati.

Sastavni dio Zapisnika je transkript 16. sjednice Predstavničkog doma.

SEKRETAR
PREDSTAVNIČKOG DOMA

Marin Vukoja

PREDSJEDAVAJUĆI
PREDSTAVNIČKOG DOMA

Marinko Čavara